

Broj: 01-07-07/3-11-3/359/25  
Sarajevo, 17.11.2025.

Na osnovu člana 22. Zakona o unutrašnjim poslovima Federacije Bosne i Hercegovine ("Službene novine FBiH", broj: 81/14) i u skladu sa Zakonom o javnim nabavkama Bosne i Hercegovine ("Službeni glasnik BiH", br. 39/14, 59/22 i 50/24), federalni ministar unutrašnjih poslova, **d o n o s i**

## **O D L U K U**

**o dodjeli ugovora drugorangiranom ponuđaču za nabavku dijelova zvučne i videoopreme – led ekrana i miksete po LOT-ovima za potrebe Policijske akademije FMUP-a – LOT 2 - Nabavka miksete**

I

Na osnovu člana 72. stav (3) tačka c) Zakona o javnim nabavkama ("Službeni glasnik BiH", br. 39/14, 59/22 i 50/24), dodjeljuje se ugovor drugorangiranom ponuđaču za nabavku dijelova zvučne i videoopreme – led ekrana i miksete po LOT-ovima za potrebe Policijske akademije FMUP-a – LOT 2 - Nabavka miksete.

II

Ovom odlukom stavlja se van snage Odluka o dodjeli ugovora za nabavku dijelova zvučne i videoopreme – led ekrana i miksete po LOT-ovima za potrebe Policijske akademije FMUP-a – LOT 2 - Nabavka miksete broj: 01-07-07/3-11-3/359/25 od 8.10.2025. godine sa ponuđačem „NEXIS“ d.o.o. Sarajevo, nakon što je ponuđač u pisanoj formi izjavio da nije u mogućnosti ispoštovati zahtjevane rokove isporuke i da odustaje od dodjele ugovora.

III

Ugovor za nabavku dijelova zvučne i videoopreme – led ekrana i miksete po LOT-ovima za potrebe Policijske akademije FMUP-a – LOT 2 - Nabavka miksete, dodjeljuje se drugorangiranom ponuđaču „AUDIO TEAM“ d.o.o. Čitluk, koji je nakon završene e-aukcije dostavio cijenu ponude u iznosu od 3.733,00 KM bez obračunatog PDV-a, odnosno 4.367,61 KM sa obračunatim PDV-om.

IV

Obavezuje se Sektor za materijalno-finansijske poslove Federalnog ministarstva unutrašnjih poslova/Federalnog ministarstva unutarnjih poslova, da shodno Zakonu o javnim nabavkama pripremi sve potrebne akte za sklapanje Ugovora sa ponuđačem „AUDIO TEAM“ d.o.o. Čitluk, kojim će regulisati međusobna prava i obaveze.

V

Ova Odluka objavit će se na web stranici Federalnog ministarstva unutrašnjih poslova/Federalnog ministarstva unutarnjih poslova u skladu sa članom 70. stav (6) Zakona o javnim nabavkama, istovremeno s upućivanjem iste ponuđačima koji su učestvovali u postupku javne nabavke.

VI

Ova Odluka stupa na snagu danom donošenja.

## Obrazloženje

Rješenjem Federalnog ministra unutrašnjih/unutarnjih poslova broj: 01-08-08/2-11-3-362/25 od 12.02.2025. godine, formirana je Komisija za provođenje postupka nabavke svih roba, usluga i radova putem konkurentskog zahtjeva za dostavu ponuda za potrebe Federalnog ministarstva unutrašnjih poslova – Federalnog ministarstva unutarnjih poslova u 2025. godini. Odlukom o pokretanju postupka javne nabavke dijelova zvučne i videoopreme – led ekrana i miksete po LOT-ovima za potrebe Policijske akademije FMUP-a broj: 01-07-07/3-11-3/359/25 od 17.9.2025. godine i Obavještenjem o nabavci broj: 405-7-1-151-3-84/25 od 17.9.2025. godine pokrenut je postupak javne nabavke.

Komisija je dana 1.10.2025. godine obavila postupak javnog otvaranja prispjelih ponuda u cilju izbora najpovoljnije ponude za javnu nabavku dijelova zvučne i videoopreme – led ekrana i miksete po LOT-ovima za potrebe Policijske akademije FMUP-a – LOT 2 - Nabavka miksete. Komisija je konstatovala da su za predviđenu nabavku pristigle dvije (2) blagovremene ponude i to:

1. Ponuđač “NEXIS” d.o.o. Sarajevo,
2. Ponuđač “AUDIO TEAM” d.o.o. Čitluk,

Komisija je konstatovala da su pristigle ponude ponuđača prihvatljive za Ugovorni organ, ispunjavaju sve uvjete predviđene Tenderskom dokumentacijom, te shodno kriteriju za dodjelu Ugovora (najniža cijena) predmetnom Tenderskom dokumentacijom je predviđena e-aukcija, a koja je održana 6.10.2025. godine sa početkom u 12,25 sati, te je po završetku iste formirana rang lista *prihvatljivih* ponuda sa cijenama kako slijedi:

### KONAČNA RANG LISTA PONUĐAČA KOJI SU UČESTVOVALI U E-AUKCIJI

| Red. br. | Naziv ponuđača             | Konačna cijena u KM bez PDV-a | Umanjenje cijene | Rang |
|----------|----------------------------|-------------------------------|------------------|------|
| 1.       | “NEXIS” d.o.o. Sarajevo    | 3.732,00 KM                   | 25,36 %          | 1    |
| 2.       | “AUDIO TEAM” d.o.o. Čitluk | 3.733,00 KM                   | 25,33 %          | 2    |

Nakon donošenja odluke o dodjeli ugovora za nabavku dijelova zvučne i videoopreme – led ekrana i miksete po LOT-ovima za potrebe Policijske akademije FMUP-a – LOT 2 - Nabavka miksete broj: 01-07-07/3-11-3/359/25 od 8.10.2025. godine i isteka žalbenog roka, Komisija je nadležnoj službi dostavila svu dokumentaciju za potpisivanje ugovora sa izabranim ponuđačem “NEXIS” d.o.o. Sarajevo. Izabrani ponuđač “NEXIS” d.o.o. Sarajevo je u pisanoj formi izjavio da nije u mogućnosti ispoštovati zahtjevano rokove isporuke do 31.12.2025. godine i da odustaje od dodjele ugovora, te iz navedenih razloga i u skladu sa članom 72. stav (3) tačka c) Zakona o javnim nabavkama ("Službeni glasnik BiH", br. 39/14, 59/22 i 50/24) kojim je definisano da Ugovorni organ dostavlja prijedlog Ugovora onom ponuđaču čija je ponuda po rang listi odmah nakon ponude najuspješnijeg ponuđača, u slučaju da najuspješniji ponuđač u pisanoj formi odbije dodjelu ugovora, odlučeno je kao u članu III

ove Odluke, čime se Ugovor za nabavku dijelova zvučne i videoopreme – led ekrana i miksete po LOT-ovima za potrebe Policijske akademije FMUP-a – LOT 2 - Nabavka miksete dodjeljuje ponuđaču "AUDIO TEAM" d.o.o. Čitluk, koji je dostavio cijenu ponude u iznosu od 3.732,00 KM bez obračunatog PDV-a, a koji ispunjava sve uvjete predviđene Tenderskom dokumentacijom i čija je ponuda druga po rang listi nakon provedene e-aukcije.

U skladu sa naprijed navedenim odlučeno je kao u dispozitivu ove odluke.

**Pouka o pravnom lijeku:** Protiv ove Odluke dopuštena je žalba koja se može izjaviti Uredu za razmatranje žalbi BiH, u pisanoj formi u roku od 5 (pet) dana od dana prijema iste. Žalba se podnosi putem Ugovornog organa u 3 (tri) primjerka).

Dostaviti:

1. Ponuđačima x2,
2. Sektoru za materijalno - finansijske poslove FMUP-a,
3. Kabinet ministra, Odsjek za odnose sa javnošću  
(za potrebe objave na internetskoj stranici FMUP-a-Ugovornog organa)
4. U spis
5. a/a

